



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

Speciano, Cesare

Brixiae, 1603

Regvlares Cvivscvnqve Ordinis, Etiam Mendicantes, Lectores, aut in Theologia graduati, non possint secularium ...

urn:nbn:de:hbz:466:1-10553

REGULARES CIVIVSCVNQVE ORDINIS, ETIAM
Mendicantes, Lectores, aut in Theologia graduati, non possint secularium
confessiones audire, nisi fuerint ab Ordinariis approbati.

Ad hoc vid. Conc. Trid. Sess. 23. cap. 15. de reformatio. & Greg. XIII.
constitut. 15. In tanta.

Pius Episcopus seruus seruorum Dei. Ad perpetuam
rei memoriam.

Roman Pontificis prouidentia circumspecta nonnunquam gesta per eum rationabilibus, & honestis suadentibus causis moderatur, & comutatur in melius, prout in Domino conspicitur salubriter expedire. Nuper siquidem quasdam declarationes, & moderationes circa nonnulla Conc. Trident. decreta regulares personas ordinum Mendicantium eorumque instituta concernentia edidimus, & promulgauimus. Et quia ut accepimus illarum vigore Sacerdotes regulares predicatorum ordinum quandoq; minus idonei, & inhabiles confessionibus secularium audiendis ab eorum superioribus praepositi absque aliqua Episcoporum, sed sola Magistri Ordinis Generalis, aut Provincialium ministrorum approbatione admittuntur. Nos super his pro debito pastoralis officij, prout tenemur, salubriter prouidere volentes, tenore presentium hac nostra constitutione perpetua sancimus, decernimus, & declaramus, decretum Concilij Tridentini de approbatione Regularium de audiendis confessionibus secularium praepositorum ab Episcopis facienda obseruari debere, etiam in omnibus Regularibus, quorumuis Ordinum etiam Mendicantium, etiam sub regulari disciplina viventibus, etiam si sint lectores, aut in Theologia etiam de superiorum suorum licetia, graduati, vel promoti vel à suis Magistris Generalibus, vel Provincialibus, Ministris secularium confessionibus audiendis expositi. Volumus tamen eos qui semel ab Episcopo in Civitate & Dioecesis suis prævio examine approbati fuerint, ab eodem Episcopo iterum non examinari. Ab Episcopo autem successore pro maiori conscientia sua quiete examinari de novo poterunt. Inhibentes quibuscumque Regularibus quorumuis Ordinum, etiam Mendicantium ut præfertur, ne vigore deputationis, & approbationis ab eisdem Magistris, & Ministris Provincialibus, etiam quod illarum occasione ab Ordinariis hue usque tolerati fuerint, absque speciali in posterum licentia, & approbatione ab Ordinariis obtainenda secularium confessiones audire presumant, Decernentes irritum, & inane si securi super his à quoquam quavis auctoritate scient vel ignoranter contigerit attentari. Non obstantibus constitutionibus, & ordinationibus Apostolicis, ac nostris literis predictis, & aliis postea quibuscumque regularibus concessis, & forsan extensis, quas quod ad ea quæ presentibus aduersantur & contrariantur, penitus, & omnino reuocamus, cassamus, & irritamus: necnon Monasteriorum, & aliorum regularium locorum, ac ordinum quorumcumque, etiam iuramento, confirmatione Apostolica, vel quavis firmitate alia roboratis statutis, & consuetudinibus, priuilegijs quoque, indultis, & literis Apostolicis, etiam Mari magno, seu bulla aurea, aut alias nuncupatis, quibusuis Monasteriis, & regularibus locis, sub quibuscumque tenoribus & formis, ac cum quibusuis etiam derogatoriarum derogatoriis, aliisque efficacioribus, & insolitis clausulis, necnon irritantibus & aliis decretis, etiam Motu proprio, & ex certa Scientia, ac de Apostolica potestatis plenitudine, aut alias quomodo libet concessis, ac etiam iteratis vicibus approbatis, & innouatis: quibus omnibus, etiam si pro illorum sufficienti derogatione de illis eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua exquisita forma seruanda esset, teno-

res huiusmodi, ac si de verbo ad verbum nihil penitus omisso & forma in illis tradi-
ta obseruata inserti forent, præsentibus pro sufficienter expressis habentes, illis
aliâs in suo labore permâsuris, hac vice dûtaxat specialiter & expressè derogamus,
contrarijs nō obstatibus quibuscumq;. Ut autē præsentes literæ ad omnium quorū
interest notitiam deducantur, nec aliquis earum ignorantiam prætendere, aut con-
tra eas se excusare valeat, dicta auctoritate statuimus, & decernimus, vt ipsam
literæ, vel earum transumptum in Basilica Principis Apostolorum de Urbe, sancti
Iohannis Lateranensis, ac Cancellariæ Apostolicæ valuis, ac in acie Campi Flory
per aliquos ex Cursoribus nostris publicentur, earum exemplo in singulis valuis,
& acie prædictis affixo & dimisso. Verum quia difficile foret præsentes literas ad
singula quæque loca in quibus dē eis fides facienda erit deferri, volumus & dicta
auctoritate decernimus, quod earundem literarum transumptis, manu alicuius No-
tarij publici subscriptis, & sigillo alicuius Prælati, seu personæ in dignitate Eccle-
siastica constitutæ munitis eadem proorsus fides adhibeat in iudicio, & extra il-
lud, quæ eisdem præsentibus adhiberetur, si forent exhibitæ, vel ostensa. Nulli er-
go omnino hominum liceat hanc paginam nostræ sanctionis, decreti, declarationis
inhibitionis, reuocationis, cassationis, irritationis, statuti, derogationis, & volunta-
tis infringere, vel ei ausu temerario contraire. Si quis autem hoc attentare præsum-
perit, indignationem omnipotentis Dei, ac beatorum Petri & Pauli Apostolorum
eius se nouerit incursum.

Datum Romæ apud Sanctum Petrum, Anno Incarnationis Dominicæ millesimo
quingentesimo septuagesimo primo, octauo idib. Augusti, Pontificatus nostri an-
no sexto.

Cæ. Glorierius.

H. Cumyn.

Anno à Natiuitate Domini millesimo quingentesimo septuagesimo primo, Indi-
catione decimaquarta, Die verò vigesima secunda mensis Augusti, Pontificatus San-
ctissimi in Christo Patris, & Domini nostri Domini Pij diuina prouidentia Papz
quinti anno eius sexto, Retroscriptæ literæ affixe, & publicatæ fuerunt in locis re-
troscriptis, per nos Iohannem Gueardum, & Alamanum de Alamanis Cursorum.

Philibertus Chapius Magister Cursorum.

R E D V C T I O C O N S T I T U T I O N V M A P I O V . P R O
Mendicantibus, & alijs regularibus contra locorum Ordinarios, &c. edi-
tarum, ad terminos iuris, & Concilij Tridentini.

Has Constitutiones habes, inter constit. d. Pij V. num. 38. & si Mendicantium.
fol. 982. & 36. Ad exequendum. fol. 999. & 140. Ad hoc
nos decus. fol. 1135.

Gregorius Episcopus seruus seruorum Dei. Ad perpetuam
rei memoriam.

IN tanta rerum, & negotiorum mole, qua Rom. Pont. ex omnibus mundi parti-
bus assidue præmitur, vix vitari potest, nè aliqua interdum exiliant, quibus po-
stea recognitis necesse est moderationis remedium adhibere. Cum itaque alijs
fel. rec. Pius Papa V. prædecessor noster, auditis grauaminibus, quæ fratribus Or-
dinum Mendicantium ab Ordinarijs locorum, & Parochialium Ecclesiæ Rectorib-
us, multis modis inferri dicebantur, super sacris concionibus, & lectionibus ha-
bendas